

# Ang Pag-ula sa Manluluwas

MATERYAL SA SEMINARY ALANG SA BAG-ONG TUGON

Ang mosunod nga mga tudling sa kasulatan ug pamahayag nagtudlo mahitungod sa Pag-ula ni Jesukristo. Pagtagana og 10 hangtod sa 15 ka minuto sa pagbasa og tarong niini nga mga tinubdan (o uban pang mga tinubdan mahitungod sa Pag-ula sa Manluluwas nga interesado kang makakat-on o imong nakit-an sa wala pa kini nga leksiyon). Samtang nagbasa ka, hunahunaa kon giunsa sa matag usa niini nga mga tinubdan pagtabang kanimo nga mas makasabot kon unsa ang gibuhay sa Langitnong Amahan ug ni Jesukristo alang kanimo ug ngano.

- Lucas 22:39–44
- Lucas 23:33–38, 44–46
- Juan 3:14–17
- Alma 7:11–13
- 3 Nephi 27:14
- Doktrina ug mga Pakigsaad 18:10–11
- Doktrina ug mga Pakigsaad 19:16–19

Si Elder Tad R. Callister sa Seventy mitudlo:



Kon mao unsa ang Pag-ula ni Jesukristo? Sa usa ka pagsabot, kini usa sa daghang balaan nga mga panghitabo nga nagsugod sa Tanaman sa Getsemani, nagpadayon sa krus, ug nahuman sa Pagkabanhaw sa Manluluwas gikan sa lubnganan. Kini nadasig sa usa ka dili matugkad nga gugma alang sa matag usa kanato. Nagkinahanglan kini og tawo nga walay sala; kinsa adunay walay kinutuban nga gahom sa mga elemento—bisan sa kamatayon; kinsa nakaangkon og walay utlanan nga kapasidad sa pag-antos sa atong tanang mga sala ug mga kasakit; ug gani nakasinati niining tanan [tan-awa sa Doktrina ug mga Pakigsaad 88:6]. Mao kini ang misyon ni Jesukristo—mao kini ang Iyang Pag-ula.

Nan unsa ang katuyoan niini? Aron mahimong posible para kanato nga makabalik ngadto sa presensiya sa Dios, mahimong mas sama Kaniya, ug makaangkon og kahingpitan sa himaya.

Kini gihimo pinaagi sa pagbuntog sa upat ka babag:

1. Pisikal nga kamatayon
2. Ang espirituhanong kamatayon tungod ni Adan ug sa atong mga sala
3. Atong mga kasakit ug mga kahuyang
4. Ang atong mga kahuyang ug mga pagkadili hingpit

(Tad R. Callister, “Ang Pag-ula ni Jesukristo,” *Ensign* o *Liahona*, Mayo 2019, 85)